



Alim ulama dan perjuangan Islam

Alim ulama pelopor perjuangan

Perkara yang seyoga direnungkan ialah bahawa perjuangan kemerdekaan dan perjuangan melawan penjajahan kekuasaan asing di tanah air kita, dimulai dan dipelopori umat Islam yang dipimpin oleh alim ulamanya. Terus menerus perjuangan demikian, dilaksanakan oleh alim ulama, pahlawan, pemimpin dan umat Islam.

Dan tiap-tiap perjuangan Islam itu, sentiasa berdiri

di atas dasar hendak menghalau penjajahan asing dan menegakkan satu masyarakat Islam menurut yang direndai

Allah *subḥānahu wa Ta'ālā*.

Perjuangan pahlawan-pahlawan Islam di kepulauan Melayu

Perjuangan penyiar-penyiar Islam yang terkenal dengan nama ((Wali Songo)) di Tanah Jawa, di samping menyiar Islam kepada penduduk yang umumnya beragama Hindu-Buddha, akhirnya telah berjaya mendirikan sebuah negara Islam di Demak pada tahun 1510, dengan dipimpin oleh Raden Patah.

Perjuangan yang dilancarkan oleh Sunan Gunung Jati di Jawa Barat melawan Portugis di Sunda Kelapa (Jakarta) pada tahun 1527, telah menyebabkan kemudian didirikan kerajaan Islam di Banten.

Setelah timbulnya pemberontakan-pemberontakan dan perang melawan Kompeni belanda yang di Jawa, dengan dipimpin oleh Diponegoro, di Aceh oleh Chik di Tiro, Teuku Umar, Cut Nyak Dien dan lainnya, di Minangkabau oleh Imam Bonjol, di Makassar oleh Sultan Hassanuddin, di Kalimantan oleh Pangeran Antasari dan kawan-kawannya, di Jambi oleh Sultan Thaha, di Maluku oleh Pangeran Ulupaha, dan daerah-daerah lainnya, (di Semenanjung Tanah Melayu – Raja Haji dan lain-lainnya – Pengarang). Semuanya ialah dari umat Islam dan dipimpin oleh pahlawan-pahlawan dan alim ulama Islam. Mereka berjuang dengan tujuan hendak menegakkan satu masyarakat di Kepulauan Melayu, yang di dalamnya ajaran dan hukum Islam berjalan dengan sebenar-benarnya.

Bukalah sejarah semua bangsa kita di mana-mana sahaja mereka melawan Belanda, nescaya tuan hanya akan mendapat nama-nama dari pahlawan Islam belaka.

Setelah habis masa perlawanan dengan senjata itu, kita melihat pula suatu keadaan baharu ialah dengan bergerak dilapangan pertubuhan siyasah, tidak mengangkat senjata. Tujuannya pun hendak menghalau kekuasaan asing dan menegakkan kemerdekaan untuk sekalian rakyat.

Pengaruh Ulama

Tak dapat disangkal, bahawa alim ulama bagi bangsa kita mempunyai pengaruh yang besar.

Hal ini memang pada tempatnya, kerana hadis Nabi sendiri (yang bermaksud) : “Ulamak itu ialah waris Nabi-Nabi”.

Selagi di tanah air kita hidup manusia yang beragama Islam, selama itulah pula mereka akan berpandukan alim ulama dalam kehidupan dalam perjuangannya.

Alim ulama Islam semenjak dahulu hingga hari ini menjadi ikutan dan imam dalam segala segala jenis lapangan, bukan kerana mereka mempunyai kekuasaan atau kekuatan yang dapat dipandang dengan mata zahir ini. Tetapi pengaruh mereka sampai begitu besar dalam kalangan umat adalah semata-semata di dalam rohani. Mereka menguasai rohani dan batin umat ini, kerana mereka lah yang memberi roh dan jiwa Islam dalam kehidupan hari-hari.

Kaum Terpelajar Cara Barat

Setengah kaum terpelajar cara Barat, yang memegang pimpinan sekarang, baik dalam parti-parti mahupun negara, secara teratur menghancurkan kedudukan alim ulama dan agama di dalam masyarakat kita.

Setengah kaum nasionalis didikan Barat memainkan peranan yang utama sekali di dalam cita-cita mereka untuk melemahkan jiwa agama dalam diri umat kita. Sebab mereka tahu jika umat Islam itu tetap mempunyai jiwa seperti yang sudah-sudah, seperti yang diperlihatkan oleh alim ulama dan pahlawan Islam melawan penjajahan

yang lalu, maka umat Islam lambat laun akan berkuasa di tanah air, dan akan berjaya pula menegakkan ((negara Islam)) yang mereka (golongan terpelajar cara Barat) tidak mengingininya sama sekali.

Apalagi kaum komunis dan dan boneka komunis, yang sudah terang membenci Tuhan dan agama, tidak ingin sama sekali umat Islam tegak dan kuat.

(Dari buah Qalam, Tamarjaya, Indonesia)

BUKU2 RUMI

(a) Siri Buku2 Bachaan Sekolah Rendah:

1. Tunas Baru (ABC)

(Abdul Rahman H. Said) 1.50

2. Tunas Baru I 1.50

3. Tunas Baru II, III, dan IV

(Abdul Rahman H. Said) 1.50

4. Senang Bacha I dan II

(Hasan Basri) Satu 80

(b) Buku2 Bachaan Tambahan untuk

Sekolah Rendah:

5. Kuching Hitam (A.H. Edrus) .30

6. Peristiwa Hari Sabtu " .30

7. Nabi Sulaiman dengan Semut .30

8. Lutong Sakti I " .35

9. Lutong Sakti I " .35

10. Karun Dengan Harta-nya .35

11. Pekebun Yang Rama' " .35

12. Lembu Chantek " .35

13. Kisah Minangkabau " .40

14. Sultan Balun " .40

15. Puteri Balqis " .45

16. Pendudok Gua " .50

17. Sebab Harimau " .50

18. Cherita Burong Hantu " .75

19. Nakhoda Dengan Datok Perpateh .30

20. Si-Buta " .30

QALAM

356 & 358, Geylang Road,

Singapore 14.